

# UMP raih Anugerah Khas

Penghargaan jalankan program kesedaran secara berterusan

ERMA YUSNIDA JUOSH

KUANTAN - Universiti Malaysia Pahang (UMP) dinobatkan penerima Anugerah Khas Alam Sekitar sempena Sambutan Hari Alam Sekitar Peringkat negeri Pahang 2017 atas sumbangan universiti ini dalam pengurusan alam sekitar dengan cemerlang.

Penganugerahan bagi kategori institusi pengajian tinggi terbaik ini sebagai menghargai sumbangan UMP dalam menjalankan program kesedaran secara berterusan serta menjalankan hubungan baik dengan agensi setempat khususnya melibatkan pihak Jabatan Alam Sekitar (JAS).

Naib Canselor UMP, Profesor Datuk Dr Daing Nasir Ibrahim berkata, penganugerahan itu suatu pengiktirafan untuk UMP terus proaktif dalam usaha memupuk kesedaran, menanam rasa tanggungjawab dan menggalakkan kerjasama dalam aktiviti penjagaan dan pemuliharaan alam sekitar.

"UMP yang mempunyai kepakaran khusus dalam bidang kejuruteraan, sains dan teknologi juga akan sama-sama menyumbang dengan lebih

“UMP turut meraih kedudukan ke-58 terbaik dunia berdasarkan usaha melestarikan kampus dan pengurusan alam sekitar dalam perarafan UI-GreenMetric World University Ranking 2016.” - Daing Nasir

signifikan terhadap agenda kelestarian alam sekitar melalui penyelidikan dan inovasi yang relevan.

"UMP dan JAS pernah bekerjasama dalam penganjuran Program Rakan Alam Sekitar sempena Sambutan Hari Bumi dan Inisiatif Kampus Hijau UMP dan Rakan Alam Sekitar (RAS) untuk mengagunkan kesedaran dan mengeratkan anggota masyarakat terhadap aktiviti pemulihan alam sekitar," katanya.

Daing Nasir berkata, aktiviti lain yang dijalankan termasuklah program kerjasama dengan pihak Sultan Ahmad Shah Environment Trust (Saset) dalam aktiviti pemulihan dan



Daing Nasir bersama Pendaftar UMP, Abd Hamid Majid (kanan) bersama produk hijau UMP iaitu Pisoptera yang merupakan umpan tiruan anai-anai yang dipamerkan sempena Sambutan Hari Alam Sekitar Peringkat Negeri Pahang.

pemeliharaan alam sekitar di negeri Pahang menerusi Program Go Green With SASET yang menjalankan aktiviti penanaman pokok di Tapak Ramsar Tasek Bera (Pahang) di bawah Projek Penghijauan Pahang.

"Selain itu, UMP juga melaksanakan program pendidikan dan kesedaran Amalan Gaya Hidup Sihat sebagai salah satu aktiviti yang menyumbang kepada inisiatif penghijauan dalam kalangan

warga kampus.

"UMP turut meraih kedudukan ke-58 terbaik dunia berdasarkan usaha melestarikan kampus dan pengurusan alam sekitar dalam perarafan UI-GreenMetric World University Ranking 2016 yang diterbitkan tahun lalu," katanya.

UMP sentiasa menyokong budaya penghijauan kampus seiring dengan pembangunan pesat yang dialaminya tanpa meminggirkan pembangunan komuniti di sekitarnya.